

64-боб. Солиҳ қўшни



11:55 / 19.10.2019 2579

Нофеъ ибн Абдулҳорисдан ривоят қилинади:

????? ??????? ???? ?????? ?????????????? ????
????????????? ??? ???? ???? ???? ????: «?????
??????????? ?????????? ?????????????? ??????????????
????????????? ?????????????? ??????????????
????????????? ??????????».

«Набий соллаллоҳу алайҳи васаллам: «Кенг маскан, солиҳ қўшни ва яхши марқаб мусулмон кишининг саодатидандир», дедилар».

Шарҳ: Демак, ушбу нарсалар баҳтли-саодатли кишининг бу дунёдаги аломатларидан экан.

Расулуллоҳ соллаллоҳу алайҳи васалламдан мусулмон кишининг саодатига омил бўладиган нарсалар ҳақида бир қанча ривоятлар сабит бўлган. Ушбу ҳадиси шариф ана шулардан биридир.

Кенг маскан киши саодатининг омилларидан бири бўлиши бежиз эмас. Албатта, маскан, яъни турар жой одам боласи умрининг кўп қисмини ўтказадиган жойдир. Умрининг энг нозик ва масъулиятли қисми кишининг шахсий масканида ўтади.

Масканнинг кенг бўлиши яшаш шароитининг қулайлиги маъносидадир. Киши ўз уйида яшаш учун барча шароитларга эга бўлса, саодатли бўлиши турган гап. Умрининг кўп қисми ўтадиган масканда ўзи учун керак бўлган барча қулайликлар мавжуд бўлса, албатта, бу нарса саодат омилларидан бири бўлади.

Солих қўшни кенг масканга чамбарчас боғлиқ омилдир. Маскан ҳар қанча кенг, ҳамма шароитларга эга бўлса ҳам, қўшни яхши бўлмаса, инсоннинг саодати кўзлангандек бўлмаслиги турган гап. Чунки яхши уйдаги осуда ҳаёт ёмон қўшнининг кирдикорлари билан ҳаловатини йўқотиши аниқ.

Шунинг учун ҳам солих қўшни Расулуллоҳ соллаллоҳу алайҳи васаллам томонларидан киши саодатининг омилларидан бири деб эълон қилинмоқда.

Яхши улов инсон зоти ўз ҳаётида доимий равишда эҳтиёжи тушиб турадиган нарсалардан биридир. Инсоният ривожланиши жараёнида маркаблар ҳам ривожланиб бормоқда ва унга инсоннинг эҳтиёжи ортмоқда.

Албатта, инсон ўз ҳаёти давомида маркабнинг саодат омилларидан бири эканини доимий равишда сезиб турди. Бугун маркабсиз ҳаёт ўтказишни тасаввур қилишнинг ўзи мумкин эмас.

Шу боис ҳам Набий соллаллоҳу алайҳи васаллам яхши маркабни мусулмон кишининг саодати омилларидан бири дея эълон қилмоқдалар.

Аллоҳ таоло барчаларимизга ушбу ҳадисда зикр қилинган ва зикр қилинмаган бошқа саодат омилларини ато этиб, уларнинг доимиyllигини таъминлаган бўлсин.

Ушбу ҳадисдан олинадиган фойдалар:

1. Кенг маскан мусулмон киши саодатининг омилларидан бири экани.
2. Солиҳ қўшни мусулмон киши саодатининг омилларидан бири экани.
3. Яхши маркаб мусулмон киши саодатининг омилларидан бири экани.

«Одоблар хазинаси» китобидан